

ԳԱԻԱՌԱԿԱՆ ՔՐԾՆԻԿ

Մ Ե Ր Կ Ե Ա Ն Ք Ի Յ

V

Վերանորոգող հալ ընտանիքի ալժմեան դրուժիւնը մի երկու կողմից թեթեւ կերպով նկարագրելուց չետոյ ես վերջացրի իմ խօսքերը ասելով, որ աչդ ընտանիքը չունի հաստատ չեանկէտ, հողմահարւում է ամեն կողմից, ընդունում է ամեն գոյն և ենթարկւում է ամեն տեսակ հոսանքի: Ապա տեսանք նահապետական ընտանիքը, իմացանք որ ալլտեղ կալ միաւորող, մի ամբողջութիւն կազմող դրուժիւն, որ բացարձակապէս իշխում է ամենքի վերայ իբր մի հնադարեան օրէնք իւր բոլոր խստութիւններով: Ես մինչև անգամ համարձակեցայ չալտնելու, որ եթէ ունենանք բարի կամք, կարող ենք աչդ նահապետական աշխարհից դուրս բերել մեզ համար գեղեցիկ իդէալներ: Ինչպէս սպասում էի, իմ բարեկամներից և ընկերներից մի քանիսը չալտնեցին ինձ իրանց անբաւականութիւնը, առարկելով թէ ալլպէս ձևակերպելով դրուժիւնը, ալլպիսի փոխեր տալով ժամանակակից երևույթներին, ես լացարձակ ուրանում եմ որ լուսաւորութիւնը անհրաժեշտ է, որ մենք չը պիտի կերպարանափոխւենք, ալլ պիտի շարունակենք վաղեմի անշարժութեան մէջ մնալ: Ինձ համար դարմանալի չէր իմ ասածի աչդ տեսակ բացատրութիւնը. ես ասել էի որ մենք ալժմեան ժամանակները խիստ չափ և մանր դոհեր ենք տալիս լուսաւորութեան գործին. դոհում ենք մեր մալրեմի լեզուն, մեր դազափարները, մեր մարդկային պարտաւորութիւնները. մենք անհաշիւ քանդել ու կերպարանափոխել ենք պահանջում և մեր ականջին չափ վատ է թւում աչն ձայնը, որ համարձակւում է քիչեցեցել թէ ամեն բան քանդելով մեզ համար նիւթ չի մնալ նոր շինութիւն կառուցանելու համար: Բայց ինչո՞ւ են թափւում կոկորդիլոսի արցունքները... Ինչո՞ւ է լանդշոութիւն համարւում մեր ժամանակակից կեանքի տաժ դասիրը նկարագրելը: Մենք ապրում ենք մի ալլպիսի ժամանակ, երբ պահանջւում է խիստ քննադա-

տուժիւն, երբ դիակը ոչ թէ ողբում են, որ նա փտել է ղազարլի վէրքերից, այլ սառնասրտութեամբ անդամահատում, քննում ամեն կողմից: «Այժմ ամեն ինչ քննադատութեան պիտի ենթարկւի, նոյն իսկ ինքը, քննադատութիւնն էլ» ասում է Բէլինսկի: Քննադատութիւնը կը պարզէ թէ կեանքից այս ու այն բարեփոխում պահանջողները իրանք ինչ են տալիս կեանքին, թէ ինչ կալ, ինչ պիտի անենք և ինչ ենք անում: Եւ առաջ կը տանեմ իմ նկատողութիւնները, որոնք գուցէ աւելի օգտակար կը լինեն, քան իմ բարեկամների տհաճութիւնը, երեմիական ողբերը:

Այս անգամ ես վստահանում եմ ձեռք վերցնել մի ղէպը, որ երկար ժամանակ լուզել է Շուշու հասարակութիւնը: Անցքը արտասովոր անցք էր, որ աղ պատճառով բազմեց՝ լրագրութեան էջերում (տե՛ս Մշակ, Նոր-Դար, „Новое Обозрение“, „Вестник“ և այլն): Եւ խօսում եմ այն հալ օրիորդի մասին, որ մի թուրք փողոցային տղայի ազդեցութեան ենթարկւելով, գիշերը թողել է իւր հայրական տունը և իւր անձը նւիրելով իւր թարփական կրքերին, ողջ ողջ մեռած անգամ է դառել իւր հասարակութեան համար, կորցրել է անուն ու չարգանք, անբախտացել: Վերին աստիճանի հետաքրքրական երևույթ է: Մի ժամանակ, բռնութեան խաւար դարերում, երբ հպատակը տիրողի ստրուկն էր, հալ աղջիկը շատ և շատ անգամ էր մահմեդականի կրքին զոհ տալիս իւր անունը, իւր պատիւը: Բռնութիւնը, չարտնի է, իրաւունքի պատիւ չի ճանաչում: Բայց ժողովուրդը, որքան կարողանում են վիպել պատմական փաստերը, ստրուկ լինելով հանդերձ այնքան սիրում էր իւր իրաւունքը, պաշտպանում էր խտրութիւն ճանաչելու կարողութիւնը, որ հաշտում էր օրիորդի անպատուութեան իրողութեան հետ երբ տեսնում էր որ ալքտեղ խտրութիւնը, ատելութիւնը այն աստիճան զօրեղ է, որ բռնաբարւողը զոհ է դառնում, մի զոհ, որի ոչ միայն պատիւը, տղ և կեանքը բռնի ուժի տակ խորտակւում է: Ալդ մի դրութիւն էր, որ հերոսական առաքինութիւն ցույց տալուն էր նսլաստում: Եւ զոհի համար պատրաստ էր կարեկցութեան մի ցույց. պատմութեան մի տող, ժողովրդի բերանի աւանդութիւն, մի ժամանակաւոր ավոռոսանք, վերջտալէս մի բռնի կաթիլ արտասունք: Ալդ ցուցերով սրբւում էր զոհը, արդարանում, սիրուն լիշատակի արժանանում: Իսկ այժմ, երբ չը կալ ստրուկի պատկերը, երբ ամեն մէկը քաղաքացիական լիակատար իրաւունք վալեղող անհատ է, պատահում է վերոյիշեալ ղէպը: Յալտնում է որ օրիորդը իւր կամքովն է դնացել թուրքի ետևից, իմանալով թէ ուր է գնում: Օրէնքը իւր դարձը կը տեսնէ. օրէնքի առաջ թուրքը մեղաւոր է, քանի որ աղջիկը չափահաս կոչւելու համար որոշած տարիների թւին չի հասել, նոյն իսկ աղջկալ համաձայնութիւնը աղդ ղէպընում բաւական չէ, ալդ տարիներում նորա անձնատուր լինելը բռնաբարւումն է համարւում: Օրէնքը, ուրեմն, իւր պատիժը կը հասցնէ: Բայց ալդ, իհարկէ, բաւական չէ: Որքան խիստ լինի պատիժը, նա չի կարող հանգցնել այն լուզմունքը,

որ առաջացրել է կրօնի, ազգայնութեան գաղափարը, Հայ հասարակութիւնը վիրաւորած է որովհետեւ մի մանմեղական կարողանում է մի քրիստոնեայ հայ աղջկան խելքից հանել, համարում է ալդ դէպքը բաբոյական և կրօնական անկման մի նշան, իսկ մանմեղականը խորին բաւականութիւն արտապատող ժպիտով գլուխ բարձրացրած ասում է, որ քրիստոնէութիւնը իւր բարոյական հիմնարկութիւններով չի կարող դիմանալ մանմեղականութեան առաջ, ինչպէս տեսնում էք, ծանրակշիռ հարցեր են չուզել:

Ալդքան մեծ, վճռական նշանակութիւն տալ ալդ դէպքին, ի հարկէ, չի կարելի: Դա մի մասնաւոր երեւոյթ է: Անհատը մի համայնքի, մի հասարակութեան մի աննշան մասն է և հասարակութիւնը ամեն դէպքում համերաշխ է անհատի սոսկական պատկերի հետ: Сѣмьѣя не безъ уродѣ, ասում է ռուսը և ալդ բաւական է: Իրողութիւնը ալդ տեսակէտից լուսաբանելու և այս կամ այն վճռին հասնելու համար չէր որ ես ուշադրութիւն դարձրի ալդ արտակարգ դէպքի վերաջ: Ո՛չ, մեզ ամենից շատ պիտի հետաքրքրէ ոչ թէ ամբոխի ալդ կարծիքը, ալ իրողութեան պատմութիւնը, նա անշուշտ ունեցել է իւր նախապատրաստութիւնը, իւր հողն ու շրջանը, ուր հաստատուել է, մի չափի կերպարանք ստացել, դարգացել ու կրիզիսին հասել: Ճանաչելով ալդ բոլորը, մենք կը գտնենք մեր հարազատ սեփականութիւնները, կը տեսնենք մի հետևանք, որի պատճառները տըրւած ևն մեր մէջ և մենք չենք կարող ալդ պատճառները մեր չը համարել:

Արդ՝ ինչպէս է գլուխ եկել ալդ կրիզիսը:

Նահապետական ընտանիքի մասին խօսելիս ես ցուց տուցի թէ ինչ հասկացողութիւն է օջախը և ինչ է նա անում իւր պաշտօնը լաւ կատարելու համար: Մենք տեսանք, որ իբրև մի հնադարեան հիմնարկութիւն, օջախը ջախջախում է անհատի կամքը, ըռնութիւն է գործ դնում, փչացնում է մարդուն, դարձնելով նորան մի արարած, որ սեփական միտք, հալեացք հասկացողութիւն ունենալ չի կարող. ալդ մարդու առաջ, որ լատկապէս կիճն է, կալ միայն մի հաստատուած օրէնք և ալդ օրէնքը նա պիտի ճանաչէ անտրտունջ, առանց որ և է բողոքի: Ալդ տեսակ ստրկական հարստահարութիւնը, որքան և բարի խորհուրդ ունենար, չէր կարող չիմանալ մեր դարի պահանջներին: Եւ մենք տեսանք որ վերանորոգող ընտանիքը հեռացրել է իրանից ալդ շղթաները: Ալդ ընտանիքի անդամները աւելի ազատ են, չեն զոհում իրանց կամքն ու կարողութիւնը հին դարերի խաւար ժառանգութեանը: Շատ լաւ, մի քալ դէպի առաջ:—Ընտանիքը, որի մէջ մեծացել է մեր լիշած Թորահուշակ հերոսուհին, ալդ քալն արած ընտանիքներից է: Փողոցում թառ, գարմօն ածող պարապ թուրքը կարողանում է ազատ մտնել ալդ տունը իւր արհեստը տան օղակին սովորացնելու համար: Ուրեմն ալդ ընտանիքում հասկացում է նաև երաժշտութեան նշանակութիւնը, գեղեցկութիւնը:

Այդ նախերգանքն է, Ալեհուհետե, երբ թուրքը վերջացնում է իւր երաժշտական դաստիարակութիւնը, նորա և տան օրիորդի մէջ սկսւում է բարեկամական յարաբերութիւնը. նրանք միմիանց հետ ազատ խօսում են և ոչ ոք նրանց չի արգելում, գիտեն որ օրիորդը կարող է բաց երեսով խօսել, ծանօթանալ, դուրս դալ տանից և սուռն գալ առանց պահապանի, առանց հսկողութեան: Չէ որ միայն ցիմար հնութիւնն է, որ արգելում է այդ բոլորը: Այդ ազատութիւնը, զարուս այդ լուսաւոր գաղափարը հովանաւորում է մի կողմից կիսավայրենի, կլքոտ թուրքին, միւս կողմից վերանորոգող հալ ընտանիքի մի անդամին: Տարիներ ընթացքում հաստատւում է մի դրութիւն, որ սիրալին անունով են միրսում մեր, չափազանց զգալուն, հոգեբանական կնճիռներ լուծելու վերայ տանջող մանրիկ վիպասանները: Լաւ փչեցէք—տարիների ընթացքում... Մեծ փողոցի վերայ կանգնած տան պատուհանը լաճախ բաց է լինում. պատուհանում մի գեղեցկադէմ օրիորդ է նստած, փողոցում կանգնած է երաժիշտ թուրքը. նրանք միմիանց նայում են, միմիանց ոգևորում: Խմացէք, խնդրեմ, ուլքեր են դրանք:

Թուրք երաժիշտ, երգիչ... կալ արդեօք մի ուրիշ բառ, որ դրանից աւելի լաւ բացատրէ մի անբարոյական, ընկած մարդու պատկերը: Թուրքի քնարը չալտնի է մեզ, նորա կամաւոր սիրահարներն: Նա ամբողջապէս կիրք է, տանջանք. նա ամբողջապէս նւիրած է կնոջ մարմնին, կնոջ մերկութեանը, միայն մարմին, կիրք չարուցանող, վառող գիրք, մերկութեան ալս կամ ալն չլացնող տեսարան—ահա այդ քնարի ամբողջ նշանակութիւնը, միտքը: Մի որոնէք այդ սիրալին զառանցանքներ մէջ հոգու պատկեր, վսեմութիւն, որ գործ չունի մարդու անամական կրքերի հետ, այլ պիտի սրտին, հոգուն վայելչութիւն տալ: Թուրքը երբէք այդ անսակ մի վսեմ, բարձր նշանակութիւն չի տալ կնոջը. նորա կրօնը կնոջը տւել է այդ կրքերը չազեցնելու նշանակութիւն միայն. «կնոջը տեսնում ես, իսկոյն պիտի գրկես, եթէ ոչ, ուրիշը կը գրկէ». հահ մահմեդականի վերջնական հասկացողութիւնը: Այդ ասում է նա հասարակ պրօլալի մէջ, այդ մի և նոյնը երգում է նորա քնարը: Ահա թլքական մուսալի իսկական լեզուն: Այդ մուսան տիրում է մեզ, բոլորիս. մեր ոգևորութիւնը դա է, մեր ճաշակը գեղեցկի և սիրելու մասին այդպէս ենք արտայայտում: Ամբողջ լաւաբազում չը կալ հալի տուն, ուր ընդունւած չը լինի այդ մուսան. մեր մանուկներն անգամ ամեն օր երգում են այդ տեսակ բաներ և անասելի քաղցրութիւն են պատճառում իրանց ծնողներին: Բարձրագոյն ուսման տէր մարդիկ անգամ անտարբեր մնալ չեն կարողանում և լարւած ուշադրութեամբ են վարձատրում այդ մուսալին: Աշխարհիս զօրեղները, այն մարդիկ, որոնք հասարակութեան օրինակ դառնալ, մարդկանց ղեկավարել են ուղում, պատրաստ են համբուրել այն բերանը, որ երգում է այդպիսի մի ախտաւոր մուսալի բորբոսնած ներշնչանքը: Դուք, սակայն,

տեսնում էք որ դա բանաստեղծութիւնն չէ, այլ Պարսկաստանի կիզող արեգակի տակ չգլւած գլխի մէջ, տակն ու վերաջ դառած անճոռնի. հիւանդոտ երևակաութեան արդասիւք, որ բոլոր անասնական կրքերի հաւաքածուն լինելով, վկայում է թէ ինչքան ցնցւած, գրգռւած ջղերի տէր է այն ազգը, որ այնպիսի բաներ է հանում իւր բերանից, թէ որքան վառ է անկիրթ, անճաշակ ազգի կատաղի կերպով լափող, ոչնչացնող բնութիւնը, և՛ մենք, հայերս ենք, որ հաւասար չափով վարակւած ենք այդ անճոռնի ցնորքներով, մենք ենք որ կրկնում ենք նոյնը, վարձատրում ենք այդ քնարին ծառայողներին մեր ամբողջ կարողութեամբ, մեր գրպանի առատ ընծաներով: Ո՛վ է դա, որ այդպէս պատիւ, համակրանք է վալելում: Նալեցէք, ահա նա կանգնած է պատուհանի տակ և ոգևորում է հայ աղջկան: Ապահով լինենք, որ նա ուրիշ լեզու, ուրիշ կարողութիւն չունի, բացի իւր քնարի լեզուից և չենք հասկանալ թէ ինչն է ոգևորել, գլխից հանել դարուս քաղաքակրթութեան զաւակին: Դա, մեր վերանորոգող ընտանիքի փափկասուն զաւակը, մնծ փորձանքի է ենթարկւած. նա ազատութիւն ունի, նա անարգել չվւում է այդ հրատապ, աչքող կրքերի հետ. և ինչով պիտի պաշտպանւի: Ահա հարց, դժարագոյնը մեր բաղմաթիւ հարցերի մէջ: Պարապ, անգոյն կեանքի մէջ, որ մատնել էր նորան մի մտաւոր դաւարկութեան, ոչ ոք նրան չի տւել կարողութիւն հասկանալ իւր ոգևորութեան պատճառը, չի եղել քննողական լուրջ ինքնաճանաչութիւն, որ հաշիւ տար նրան թէ ինչ է նա լսում և ինչ ունի այդ լսածի դէմ ասելու: Նա գրագէտ է, նա գուցէ կարդացել է այն սաստիկ բողոքները ծնողական բռնութեան դէմ, որ մեր վիպական զոհերն են արձակում ճնշւած սէրը ողբալու համար: Նա գիտէ միայն, որ բռնութիւնը վատ բան է, բայց թէ ինչպէս պիտի պատրաստէ իւր ազատ սիրտը—այդ նա չը գիտէ, այդ գէպքում նա նույն է, ինչ որ էր առաջներում, երբ նորա վերաջ կար բռնութիւն, որ պի՛նդ ծածկում էր նորա երեսը, տան պուճախումն էր նստացնում: Անպատրաստ հողը իւր ուղածին պէս հերկեց թուրք երաժիշտը, բոլորովին պատահական հոսանքը բռնեց պարապ, աննպատակ մարդու սիրտը: Եւ երբ այդ ամենից լետու իրողութիւնը կատարւած է, ամենքը ապշում են, չուզւում: Այդպիսի մի պատրաստութիւն ունէր այդ անցքը, որ թուրքին իւր համալգինների մէջ հերոս է չինել, իսկ հայ աղջկան ներկաչացրել է իւր հասարակութեան իբրև մի ծայրալեղ անկարելիութիւն: Հարցրէք այս վերջինիս. ինչ հարց կարող էք տալ նրան, ինչպէս կարող էք նորա քաջը դատապարտել: Նա չի վարագուրւում, չի ծածկւում, այլ կպցնում է ձեր ճակատին անողորմ պատասխան. «Ինչ վարկնի մարդիկ էք, ես ասում եմ, որ սիրահարւած եմ»: Սէրը հերոսութիւն է տալիս մարդուն, սէրը մի և նույն ժամանակ կոյր է. մի վճիռ պէտք է, վերջապէս, արձակել: Հերոսահին կամ պիտի արդարանալ, համարել զոհ հասարակական և ընկերավարական տխուր գրութեան (խօսելով Պօլսի սի-

րարորդը հեղինակներին լեզուով, կամ թէ սէրը պիտի ուրացւի, արտաքսուի Ոչ մէկը չի կարելի անել։ Մնում է, ուրեմն, ուրիշ կողմից նայել անցքի վերաւ։ Ամբոխը դատապարտում է հերոսահուն և ոչ միայն խաւար, անհասկացող ամբոխը, այլ և այն դասակարգը, որ կարողութիւն ունի հանգամանքները կշռելու, սրաի, մաքր էութիւնը հասկանալու։ Այդ ամբոխը զատապարտում էր և Տուրգենեւի Նէնալին, երբ նա թողնելով հայրական տունը, իրան պաշտող երիտասարդներին, մի ինչ որ բուզար ուսանող ինսարովի հետ գնում էր գէպի թշուառութիւն, դէպի մի աշխարհ, ուր զրկանքն ու աղքատութիւնն էր նորան սպաստում։ Բայց միթէ ամբոխը ալդ դէպքում արդար էր... Որքան վսեմ, սուրբ, պաշտելի է այն դադափարը, որ հերոսութիւն է տալիս Նէնալին. որքան անգրկելի լայն, փառահեղ է այն աշխարհը, որ բացւում է մեր առաջ, երբ մենք մի առ մի գտնում ենք ալդ օրիորդի սրտի զարկերը, երբ մեզ գիպչում է նորա շունչը, սր արդէս չաճախ ընդհատւում է նորա սրբազան ողորութիւնից։ Այդ սէրը մի ամբողջ կեանք է, գեղեցիկ, երանելի կեանք։ Ամբոխը դատապարտել է նորան, բայց վերջը կը պաշտէ, երբ լաւ կը հասկանալ թէ այն ինչ ողորութիւն էր, որ նորան հիւռ աշխարհ էր տանում։ Լեւնան լափըշտակել էր, տեսնելով մի խեղճ, բայց վերին աստիճանի ազնիւ ուսանող, որ ոգևորած է իւր թշուառ հայրենիքի ազատութեան զաղափարով, որ պատրաստւում է վրէժ հանել այն բռնակորներին, որոնք անպատու էին նորա հայրական տունը, չափշտակել էին նորա հայրենի սեպհականութիւնը, իրանց վառաշատ գիրկն էին գցել նորա անպաշտպան մօրը, սպանել էին հօրը։ Այդպիսի մարդուն է Նւիրում Նէնան, և գնում է նորա հետ լամանելու բոլոր թշուառութիւնները, բոլոր տանջանքները, որպէս զի նորա հետ վերջ ի վերջու տեսնէ մարդկալին արդար իրաւունքի լաղթութիւնը, ստրուկ ժողովրդի աղատութիւնը։ Դարեւ կ'անցնեն, բայց քանի որ դուրսիւն կ'ունենալ մարդկային սիրտ, ալսպիսի անձնւիրութիւնը պաշտելի, խնկելի կը մնալ։ Դրանից չեսուց նալեցէք հալ աղջկան, որ ամբոխի գատապարտութիւնից աղատ մնալու համար նոյն բառն է գործ ածում—սիրահարութիւն։ Քննեցէք այն ամենը, ինչ ծնեցրել է ալդ սէրը—և չէք ողբալ... Միտք, ընդարձակ, հոգի զւարճացնող միտք չը կալ այս դէպքում։ Նա Նւիրում է մէկին լոկ այն պատճառով, որ ալդ մէկը հասկացնում է նրան թէ նա գեղեցիկ աղջիկ է, փառաբանում է նորա կալմածքը, նորա այն կարողութիւնը, որ կիրք է չարուցանում, անքրնութիւն է պատճառում...

Նո դարձնալ պիտի կրկնեմ, որ ալդ խելացի երևոյթը և նրանից ծագած հետեանքը ինձ չէ հետաքրքրում, ես հետաքրքրում եմ ալդ երեւոյթի սպարաստութեամբ։ Հիւռ սլահելով թթու աղդասիրութիւնից, ես չեմ վրդովւում ալդ դէպքից, այլ երկրին հանդարտ նալելով դանում եմ, որ մեր կեանքի կազմածքը պատրաստում է ալդպիսի զոհեր, որոնք ոչ

միտք ունին, ոչ էլ մի համակրանքի, մի ցաւակցութեան են արժանանում: Խնդիրը թուրքի անձնաւորութիւնը չէ, ես համոզւած եմ, որ նորա դերը կարող էր կատարել և մի փողոցալիւն ապականւած հալ տղալ, որը սակալն հալ քահանային «Ռհնեա տէր» է ողջունում. և ալդ դէպքում էլ ինձ համար մի և նոյն կերպով ցաւալի կը լինէր ալդ երևոյթը: Փառք տւիք հալ աղջկալ աղատութեան—պատիւ ձեզ: Բայց տւէք նրան նաև հասկացողութիւն, տւէք նրան վսեմ գաղափարներ, տւէք նրան ամուր զէնքեր, որոնցով նա իւր անձը, իւր դեղեցկութիւնը ծառայեցնէր մարդկային կեանքի իդէալական դեղեցկութեանը: Ես այս ասում եմ ոչ միայն այս զէպքը ի նկատի առնելով: Ո՛չ: Ժամանակի երևոյթ է, որ հալ օրիորդները հասկանում են թէ ինչ է սէրը, ինչ չատկութիւն ունի նա, ինչ տեսակ կեանք է պատրաստում: Բայց ալդ սէրը նրանք արտայայտում են ալիպիսի երեխայական անմիտ ձևերով, ալիպէս շուտ փոխում են մի սիրատանջ էակի կեղեր և առհասարակ ալիպէս են վարւում իրանց զգացմունքի հետ, որ ակամայ խղճում ես թէ իրանց. ալդ օրիորդներին, և թէ իրանց սէրը: Երաւ որ ապացուցներ շատ կան և ես լոկ խօսքեր չեմ առում... Ումի՛ն է մնում ժամանակի ալդ պտուղը, սիրող զգացմունք հասկանալը ուղղել ալիպէս, ինչպէս հարկաւոր ենք համարում մեր երջանկութեան համար: Դպրոցից չը պահանջենք. դպրոցը պատրաստութիւն տալ չի կարող: Խո՛չ է մեր դպրոցը. նա միայն գրագիտութիւն է սովորացնում, նորա օգնութեամբ մարդ կերպարանափոխել չէք կարող: Մնում է ընտանիքը...

Ասում են թէ ալդ գրութիւնը անցողական է, թէ նա կը փոխւի, թէ անքնական երևոյթները, որոնք տխուր եղբակացութեան են հասցնում անհրաժեշտ են, անխուսափելի անցողական դրութեան մէջ գտնւող ժողովուրդի համար: Շատ լաւ, պարոններ. թող տւէք որ հետաքրքրւողը նկարագրէ ալդ գրութիւնը, թող տւէք լաւատեսութեան թմրութիւնից քիչ ազատ մնալ և հետաքրքրւել թէ անցողական դրութեան մէջ դանւող ժողովուրդը ինչ մի բան է տեսնում իւր առջև, որին առաջնորդ ընտրէ, որին հետևէ, որն է ալդ լուսաւոր աստղը, որ մեզ ապահովութիւն է ապրիս ու մենք վերջը փոթորկալուղ ալիքներից դուրս կը գանք, կը դիմենք դէպի ցանկացած կէտ նպատակին: Ալդ հարցը հետաքրքրական է և իրաւունք է տալիս մեզ հարցնել, իմանալ թէ ի՞նչ ենք անում, փրկութեան ի՞նչ խարիսխ ենք շինում: Ալապիսի հարց կրկնելիս միշտ իմ առաջն է գալիս մի անմոռանալի տխուր փշատակ, որ մեր մտաւոր սնանկութեան անջնջելի արձաններին մէկն է: Ահա պատմեմ:

1883 թւի ձմեռը ես ընտրւած էի Կովկասի Բարեգործական ընկերութեան Շուշու տեղական ճիւղի կողմից անդամ մի չանձնաժողովի, որին չանձնւած էր մշակել, պարզել թէ ի՞նչ տեսակ իգական արհեստագիտական դպրոց կարելի է ունենալ Շուշում, ինչ նպատակ և ի՞նչ պայմաններ պի-

տի ընտրէ, որքան ծախք է պահանջուում և թնշ ծրագիր պիտի ունենալ։ Ընկերութեան ընդհանուր ժողովը, որ ընտրուում էր ալդ լանձնաժողովի անդամներին բուռն ոգևորութեան մի տեսարան էր ներկայացնում։ արհեստագիտական դպրոցը պիտի բանար ընկերութիւնը և ինչ գեղեցիկ գործ, աղմկալից վիճաբանութիւնները, երկար ու ձիգ ընդդիմախօսութիւնները, ամեն մէկի սաստիկ ցանկութիւնը հաղորդել իւր իմացածը, իւր միտքը, կարծիքը մարդ էին շարմացնում։ միթէ, հարցնում էր մարդ իրանից, կան մեր մէջ ալդպիսի ուսումնարաններ և մենք գործնականապէս ծանօթ ենք նոցա տւած արդիւնքների հետ, երբ ալքքան ոգևորւում ենք, տաքանում։ Ուրախալի երեսից էր, ալդպիսի համակրութեան գուցէ տեղալին ոչ մի հասարակական գործ չէր արժանացել։ Մենք էլ, լանձնաժողովի անդամներս, թուով 7 հոգի, ոգևորւած տաք կերպով կպանք գործին։ Մօտ տասն նիստ ունեցանք, խնդիրը չօչափեցինք բոլոր կողմերից։ Անմոռանալի են ալն ժամերը, երբ մենք հաւաքւում էին տաք սենեակում, նստում էինք մեծ սեղանի շուրջը և հերթական հարցը առաջ բերելով, սկսում էինք խօսել, վիճել, միմեանց կարծիք ջրել, համաձայնութեան չէզօք կէտերը որոնել, մէջ տեղ դնել։ Մենք չէինք իմանում թէ ինչպէս են թուում ժամերը, մենք կարծում էինք թէ գործին քիչ ենք նվիրւում։ Ս', երիտասարդական ոգևորութիւն... Կարելի է միթէ նկարագրել ալն հրճւանքը, հողեկան ալն բուռն լուզմունքը, որ ամենքիս գերում էր, երբ հետզհետէ դուրս էր գալիս մի անշալտութիւնից և ձևակերպւում էր մեր աչքի առաջ մեր դպրոցի պատկերը իւր կաղւաժով, իւր նպատակով, նպատակն էր—տարածել արհեստը քաղաքի հալ աղքատ դասակարգի մէջ, որով ալդ դասակարգը իւր գոլութիւնը ապահովելու մի դուրեղ միջոց կուեննալ։ արհեստի հետ զուգընթաց պիտի գնար, ի հարկէ, և ուսումը։ Մենք ալդ նպատակին լարմար ծրագիր կաղմելու համար պիտի ծանօթանալինք մեր ժողովրդի կարիքների հետ, պիտի ուսումնասիրէինք մեր կեանքը, մեր ինչ լինելու հարցը, լինում էին դեռ անփորձ երիտասարդներ, որոնք մեր կեանքի, մեր պահանջների մասին չատ թեթև, չատ հարևանցի հասկացողութիւն ունէին։ մենք դրանց լսում էինք քաղցրութեամբ և իսկոյն ջրում էինք ալդ վարդադուին, քնքուշ հալեացքները իրականութիւնից դուրս բերած մեր կոպիտ ու անտաշ փաստերով։ Այս որպէս զի միակողմանի չը լինէնք, որպէս զի աննշան հարցը մեծաշնելով կարեւարը չը մոռանանք, մենք հրաւիրում էինք կողմնակի մարդկանց, Գալիս էին տիկիներ և Երիտասարդներ, մասնակցում էին մեր վեճերին, ցոյց էին տալիս մեր սխալները և խրախուսում մեր աշխատութիւնը։ Մի խօսքով, երեք չարաթ շարունակ մենք ամին ինչ մոռացել էինք, ամբողջապէս նւիրւել էինք ալդ գործին։

Ամեն ինչ վերջացաւ, պէտք էր հաստատ կերպարանք ստացած դպրոցի նիւթական ապահովութեան հարցը վճռել։ Ընկերութիւնը չունէր

միջոց առանց կողմնակի օժանդակութիւնների դպրոցը պահպանելու։ Պէտք էր ընկերութեան արդիւնքները շատացնելու մասին մտածել։ Դուք գուցէ ծանօթ չէք այն դրութեան հետ, որի մէջն է լինում մի մարդ, որին լանձում են ոչնչից մի բան դուրացնել։ Գաւառական պնդալիսի շրջաններում, ուր չը կալ համերաշխութիւնը, մահացու հարւած է տալիս ամեն մի բարի մտքի, շատ և շատ նեղ է ալդ դրութիւնը։ Գործիչը ամբողջ իւր էութեամբ համոզւած է որ պէտք է մի գործ կատարել, պէտք է ճանապարհ բաց անել ալդ եսասէր և անտարբեր ժողովրդի մէջ։ Նա ամեն օր լսում է իրաւացի լանգիմանութիւններ թէ ոչինչ չեն անում, խմբած մեռած են և ալն։ Եւ անհ երբ նա նստում է մի ինչ որ բան մտածելու, ստեղծելու, նորան կաշկանդում են հարիւր ու մի կապանքներ, տանջում են անթիւ տարակուսանքներ։ Ինչ կը լինի, ո՞վ կը տալ փող, առանց որի ոչինչ չինել չի կարելի։ Մեր լանձնաժողովի անդամներն էլ հէնց ալդպիսի դրութեան մէջ էին։ Մենք քրքրում էինք հարիւր ու մի կողմեր, նալում, որոնում էինք. մեր առաջը կողպէկներ էին գալիս... Ալդ կողպէկները բաղմացնելու շատ միջոցներ գտանք, բայց դարձնալ 1000 ռուբլու գումարից աւել բան չը ճարեցինք։ Հազար ռուբլի... Ի՞նչ կարելի էր անել ալդ գումարով։ Բայց մենք չը լուսահատւեցանք, չը թողեցինք մեր միտքը։ Յոյսեր որքան կալին. մենք մինչև անգամ լոյս էինք զնում այն հանգամանքի վերալ, որ հարուստները կարող են մեռնել և մեղ գումարներ կտակել... Ալդպիսի մի դժւար ժամանակ մեր ականջին լուր հասաւ, որ Մոսկալում ապրող շուշեցի հարուստ եղբայրներ, լրագիրներից իմանալով մեր դիտաւորութիւնը, չալտնել են լօժարութիւն տարեկան 300 ռուբլի նալաստ տալ իգական արհնստագիտական դպրոցին։ Կարող էք երևակալել մեր ուրախութիւնը, մեր հրճւանքը, մենք թռչելու թեւեր էինք ստացել, մենք մեղ երջանիկ էինք համարում տեսնելով որ գործի սկզբում գտնում ենք ալդպիսի մի համակրութիւն։ Անուհետև մնում էր մի 3 կամ 4 հարիւր ռուբլու ինդիրը. կթէ ալդ գումարն էլ ունենանք, դործը վերջացրած է։ Մենք շատ ձգեցինք, շատ երկարացրինք մեր գտած միջոցները, ցաւելով տեսանք որ աւելացնելու բան չը կալ։ Կանգնած մնացինք։ Ի՞նչ անենք. մեռեալներից ստանալիք արդիւնք, եկեղեցիներու հաւաքած գանձանակ, ծննդեան տօնին «Աւետիք» ման գալ... Ալդ բոլոր միջոցները շատ անգամ էինք հալել, նորից ինչպէս հալենք։ Էւրիկա, գտանք և ալդ պակասի ճարը։ Մեզանից մէկը չալտնեց, որ Ընկերութիւնը Թիֆլիսում ունի կենդրոն, որ կառավարում է բոլոր ճիւղերը. մեր ցաւն ու դարդը, մեր հասարակութեան դրութիւնը ամենից լաւ ալդ կենդրոնը կարող է հասկանալ. դիմենք նրան, խնդրենք 300 ռուբլի օժանդակութիւն. նա միջոցներ շատ ունի, նա շատ հնչտութեամբ կարող է մեղ օգնել։ Մեզանից ամեն մէկը աղատւեց հողեկան տանջանքից. ամեն մէկը համոզւեց որ ալխարհիս երեսին ոչ մի հարց ալդպիսի գեղեցիկ և ապահով լուծում չի ստացել։

Այնուհետև մենք կանչեցինք ընկերութեան քարտուղարին և սկսեցինք մի առ մի հասկացնել նրան թէ ինչպիսի թուղթ պիտի գրւի Թիֆլիսի խորհրդին որ մեր խնդրած օժանդակութիւնը չը մերժւի։ «Գրեցէք դուրսէն մասին, ասում էինք մենք, գրեցէք մեր ընկերութեան աղքատութեան մասին, չափեցէք թէ ինչպիսի օգտակար հիմնարկութիւն է արհեստագիտական դպրոցը, ինչքան նա կը բարձրացնէ ընկերութեան աշունը, ինչպէս նա կը հարկադրէ մեր քաղաքացիներին վերջ ի վերջոյ գէն դնել անտարբերութիւնը և օգնել իրան։ Լաւ գրեցէք, աշխատեցէք համոզիչ խօսքեր ու փաստեր շատ դնել։ Ամեն մէկը իւր իմացած հնարն էր առաջարկում ալդ թղթին մին կախարդիչ կերպարանք տալու համար։ Քարտուղարը հեռացաւ և այնուհետև մեր դործը վերջացած էր։ Մենք ցրեցանք։ Մի մանկական գրածքում գիւղացին ասում է. «ես իմ անեքլիքը վերջացրի, սերմը դրի խոնաւ երկրի ծոցում, ալժմ քո ողորմութիւնն է միւսում, Տէր Աստուած»։ Ալդպէս էինք ասում և մենք։

Թուղթը դնաց խորհրդին և այնուհետև մենք անհամբեր սպասում էինք պատասխանին։ Թէև համոզւած էինք որ պատասխանը բացասական չէր լինել, բայց մեղ համար շատ հետաքրքրելի էր իմանալ թէ աջտեղ, կենդրոնում ինչպէս են վերաբերում մեր գործին, ինչ անուն են տալիս մեր դպրոցին և կանճեն արդեօք մի փոփոխութիւն մեր կազմած ծրագրի մէջ։ Թիֆլիսում ալդ բոլոր հարցերը պիտի վճռէր ընդհանուր ժողովը։ Նա կապցաւ, ձեռք առաւ մեր խնդիրը և ինչ էք կարծում... Մի անպիսի պատասխան տւեց, որ ասեն ինչ քանդեց, փչացրեց։ «Շուշին հարուստ քաղաք է, ասել էին ընդհանուր ժողովի չարգելի անդամները, մենք ինչո՞ւ պիտի օժանդակութիւն տանք. թող իրանք, ալդ հարուստները, պահեն իրանց դպրոցը»։ Բայց և ալդպէս, ժողովը ալդ հարցի վճիռը լանձնեց խորհրդին, որ կարող էր կարգադրել ինչպէս ուզում էր։ Խորհուրդն էլ, ղեկավարելով միևնույն հայեացքներով, մի կտոր թղթով իմաց տւեց, որ դպրոցը Շուշու ընկերութիւնը կարող է իւր միջոցներով պահել... Դպրոցի միտքը իրաւ, ծրագիրը, մեր անպիսի ոգևորութեամբ կազմած ծրագիրը իբրև մի անպէտք բան գործերի մէջ մտաւ...

Ահա մեր գործը։ Եթէ ես ախջան մանրամասն նկարագրեցի ալգ հարցը, նպատակս էր ցոյց տալ թէ ինչ ենք անում մենք մեզ համար։ Այստեղ ալ ևս չը կալ անհասկացող, անտարբեր ամբոխի հարցը. խնդիրը վճռում էր անպիսի չրջանների մէջ, որոնք ամենից լաւ պիտի հասկանան բառը իւր լսական նշանակութեամբ. ալգտեղ աւելորդ են խրատներ համերաշխութեան, շահերի ընդհանրութեան, դործի օգտակարութեան մասին։ Բայց ինչ լեղաւ։ Հալը, չափնի է, համերաշխութիւն բառը շատ է սիրում, բայց գործադրել ասում է։ Մի քաղաք 300 վերստ հեռու է միւս քաղաքից. մէկը ունենոր է, միւսը աղքատ. ունենորը աղքատին չի օգնում, պատճառ բերելով թէ նա իրանից հեռու է. չի օգնում ալն ժամանակ,

երբ խնդրածը մի 3 հարիւր ռուբլի է, 'Իս մի չնչին բան է ունենորի համար, բայց չունենորի համար երկնալին օգնութիւն է, որը սպասում է անհամբերութեամբ. էլ ինչ դորձ կարող է առաջանալ, եւ ինչպիսի զարմանալի հեշտութեամբ վճռում է կենսական հարցը. քեզ մօտ կան հարուստներ, ինչո՞ւ ես մեզանից ուղում, Կարծես թէ նոր պիտի հասկանանք թէ հարստութիւնը ալ բան է, հասարակական գործը ալ բան. եթէ հարստութիւնը միշտ ապահովութիւն տալ մեր հասարակական և ազգային հիմնարկութիւններին, ալն ժամանակ էլ ինչո՞ւ պիտի դռանք թէ մեր գործերը ինչանում են անօգնականութիւնից, անտարբերութիւնից. ինչո՞ւ պիտի դռանք, խենդեր չենք հօ... Նոր պիտի լացատրւի թէ ամենափարթամ հարստութեան մէջ կարող է բարոյական, մտաւոր գործի, կատարեալ սով լինել... Հարուստը աղքատի համար լաւ չէ լոկ ալն պատճառով որ լաւ ապրում է, իւղալի, գեղեցիկ կերակուրներ է սպառում. ո՛չ, հարուստը լաւ կը լինի ալն ժամանակ, երբ կը հասկանալ որ աղքատն էլ ունի ալս ու ալն պակասութիւնը և ձեռք կը մեկնէ դէպի աղքատը... Սրանք մաշւած, հարիւր ու հազար անգամ քրքրւած մտքեր են, Բայց մեղ համար երբէք պարզ չեն, և մենք դեռ վարագուրում ենք նոցա ետեը մեր անկարողութիւնը, մեր ուժասպառ գատարկութիւնը ծածկելու համար:

Դուք գոռում էք, պահանջում էք, բայց ինչ էք անում... Լաւ տեսէք: